

射干湯 治癰瘡腫痛脉洪實數者

射干 犀角 升麻 玄參

黃芩 麥冬 大黃 各一錢 枝子 五分

加竹葉 芒硝 為竹葉芒硝肺胃二經藥也

水煎服以利為度

應用方

補中益氣湯 生脉散

加減地黃丸

脾癰

脾癰之發必先章門穴隱痛不已 穴在乳下右脇端與內癰腸癰同法

古雪堂藏板

肝癰

肝癰之發必先期門穴隱痛不已

穴在直乳二肋間不容旁一寸五分

令人兩肱滿卧則驚不得小便由憤鬱氣逆所致

初宜爪婁散或柴胡清肝湯調之潰後用六味丸

八珍湯滋陰托裏此肝心火盛而虛中有熱也禁

用溫補藥及針灸等法

柴胡清肝湯 治肝癰初起脇痛

柴胡

一錢五分

黃芩

一錢

人參

一錢

枝子

一錢五分

川芎

一錢

連翹

一錢

桔梗

一錢

甘草

五分

水二鍾煎八分食遠

瓜婁散

見內癰

六味地黃丸

八珍湯

見潰瘍門

心癰

心癰之發必先巨闕穴隱痛不已

穴在心窩下做骨下一寸實胃經之

募也發則寒熱身痛面赤口乾飲水由酷飲嗜熱物

所致宜升麻葛根湯以清胃清心丸以退火

清心丸

黃連

一兩

茯神

五錢

赤茯苓

五錢

爲末煉蜜爲丸梧子大每服百丸米飲送下

升麻葛根湯

腎癰

腎癰之發必先京門穴隱痛不已

穴在脇下季脇間實胆之募也發

則脇下至小腹滿由房勞過度外挾寒邪所致惟

八味地黃丸相宜禁用寒涼等藥

八味地黃丸

見首卷

三焦癰

三焦癰之發必先丹田穴隱痛不已

穴在臍下二寸實膀胱之募也

治與小腸癰同法

疔瘡

大疔者釘也如丁之釘也其形小其根深隨處而生

不拘穴次凡初起如疥形粉刺如小泡疙瘡痒痛
發麻遊走不定寒熱惡心但其稍異於常者疥也
書云見其小異則當大驚故宜虛心辨認隨其形
色緩急用藥得法庶保無虞遲則走黃變異莫測
俗云走馬看疔勢不容緩也是症多感於肅殺乖
戾之氣或畜惡尸忤之變故有朝發夕死隨發隨
死五七日不死一月半月而終死者此在歲運之
順逆五臟虛實而然也再以

形色而言之如初起至四五日間由白色而至青紫
色內無七惡等症者爲順初起似疔非疔灰色頂

陷如魚臍如蚤班青紫黑泡軟陷無膿至六七日
間孔深臭穢無膿內見七惡等症者爲逆 若疔
瘡出膿形如蜂窩者易愈再以

部位而言之生於頭項胸背者急生於手足骨節間
者緩一疔之外別生一小瘡名曰應候如疔之四
圍赤腫而不散漫者名曰護湯如疔之四旁多生
小瘡者名曰滿天星有此者緩無此者急再以

禁忌而言之疔毒由蘊熱而生忌投辛熱之藥恐反
助其邪忌敷寒涼之藥恐逼毒攻內又初起無頭
及未潰時忌貼膏藥 輕者聚毒成膿甚者毒必攻

內惟在已潰見膿時用之呼膿長肉以避風寒耳
初潰時忌用生肌藥恐毒未除則反增潰爛再疥
生於頭項之間肝膽腎三經部位再火日火疔俱
不宜灸犯之必爲倒陷或爲走黃再飲食忌酒并
雞魚海味冷水起居忌氣怒房勞諸香并孝服經
婦僧道雞犬等見犯之必致反覆若一月內無房
勞者則瘡口平坦無努肉爲徵再以

用藥次第而言之如初起時寒熱拘急脉緊而數者
爲在表先服蟬酥丸次用絳珠丹汗之如發熱口
乾便閉脉沉而實者爲在裏先服蟬酥丸次服貴

金丸下之如無表裏症者邪在經也先服蟬酥丸
次服無憂散清之如煩熱神昏乾嘔者邪氣內攻
也菊花煎湯送蠟礬丸托之如手足冷六脉絕者
由毒氣閉固元氣不能宣通也先服蟬酥丸隨服
木香流氣飲宣之如神昏煩燥腫黯不痛者由敷
涼藥所致也服蟬酥丸托之

能追毒出湊
理而爲汗

疔毒悞

灸煩燥譫語者逼毒內攻也解毒清火湯疔毒走
黃頭面發腫煩悶欲死者疔毒復生湯潰後餘毒
未盡五心煩熱者人參清神湯針後出膿時氣虛
驚悸者內托安神湯攻利太過以致發渴脉大而

虛者補中益氣湯

汗不止熱不退瘡不疼便

不利者及汗下後口禁痰湧自汗搐搦者并有悞

刺出血過多沿腫湫大不已者皆爲真氣虛也俱

宜十全大補湯倍用參耆歸朮甚者加大附子余

按此症初不解毒後不大補欲其得生者鮮矣

再以

外治而言之如疔毒有頭紅腫熱痛者用菊花根梗

并葉杵爛敷之如漫腫無頭根活者及疔毒走黃

別處結腫者俱用鬲宮錠子塗之如疔頑惡推之

而根不動者必用挑法以斷其根否則必致走黃

書云疔瘡先刺血內毒宜汗瀉禁灸不禁針怕絲

不怕鐵誠挑疔之密訣也再以

疔毒有名者而言之如

火焰疔發於心多生於唇

口手掌指節間初起紅黃小泡痒痛麻木繼則寒

熱頭暈心煩

紫燕疔發於肝多生於手足肋脇

間初生紫泡破流血水三日後串臂潰筋繼則眼

紅甲青神昏舌強

黃鼓疔發於脾多生於口角

顙顴眼胞等處初起黃泡光硬麻痒繼則寒熱乾

嘔吐逆

白刃疔發於肺多生於手指鼻竅胸臆

等處初起白泡痒痛腐爛繼則咽焦氣急毛聳鼻

湫

黑靨疔發於腎多生於耳竅腰腹軟處初起

黑班紫泡痛徹骨髓繼以軟陷驚悸目露指青右

五疔取形色部位而屬五臟也古書又有火疔如形

灸水疔形如氣疔起泡而軟石疔堅硬如石腐疔頂陷而潰魚臍

疔狀若魚臍菜萁疔中凹而邊突鹽膚疔大如匙面黑點起爛疔如大

匙面潰流膿水刀賺疔狀如薤葉形長寸許浮漚疔亦如薤葉形長而曲瓜藤

疔延漫無數芝蔴疔形似芝蔴忌食蔴油蔴子疔似蔴子稍黑始末皆痒三

十六疔形如黑豆日生一箇滿數者不治釘腦疔生太陽穴及眼邊魚尾

疔生小眼角外睂疔生於睂赤面疔生於顴頰疔生頰骨尖處鼻

疔生鼻內其痛連腦黑疔生耳內腫痛連顙髭疔生於髭龍泉疔生於

人中虎鬚疔生於唇下反唇疔生於唇肉鎖口疔生於嘴角牙疔生於

古雪堂藏板

牙根猪疔圓小瘡口有油牛疔圓小瘡口無油羊疔形長而白狗疔形長而赤

驢馬疔三角形頂有黑點蛇頭疔生於指頂蛇眼疔生於甲旁蛇背

疔生於指背蛇腹疔生於指肚蛇節疔生於指節冷疔生於足根正考見足

部此外又有

紅絲疔 生於手有紅絲入腋入腋者不治生於足

有紅絲入腹入腹者不治生於唇有紅絲入喉人

喉者不治宜於紅絲盡處刺斷搽离宮錠子次於

原處挑之搽拔疔散內服蟬酥丸

暗疔 先發寒熱拘急腋下堅腫無頭或陰囊腫痛

畢丸突兀如筋頭者是也

內疔 先發寒熱腹痛數日間忽然腫起一塊如積
者是也二症不用挑法先以蟬酥丸噙化令盡涼
水漱去毒涎再用三丸嚼葱白三寸裹藥溫酒送
下蓋卧出汗稍時無汗再飲酒催之或用霹靂火
法佐之必令大汗次服紺珠丹和之或用貴金丸
下之自愈若牙關緊急者取蟬酥丸三五粒葱頭
研化灌之俟稍甦治如前法

羊毛疔 身發寒熱狀類傷寒但前心後心有紅點
如蚤班者是也視其班黑色者爲老淡紅者爲嫩
取深紅者用衣針於班上挑出羊毛前後心各挑

五七箇用黑豆蕎麥粉塗之卽時汗出而愈一
法用明雄黃二錢青布包扎蘸熱燒酒於前心擦
之自外圈入內其毛卽奔後心再於後心擦之其
羊毛俱拔出於布上埋之忌茶水一日

挑法密訣用竹簽於毒頂上十字剖開其毒堅硬如
鐵者爲順先出紫黑血再挑至鮮血出以知痛爲
止填拔疔散令滿以膏藥蓋之過三二時撥去舊
藥易以新藥若藥乾無水不痛者此挑法未斷疔
根也再深挑之必以上藥知痛藥濕水流爲率若
初起失治以至走黃則身面漫腫原瘡無跡神昏

不食者險急尋原起處挑之如瘡口磁實出紫血
或鮮血敷藥知微痛服藥見稍效者十中可保二
三若瘡口絲軟刺之如瓜穰出淡血水而不知痛
者百無一生矣此法有轉重就輕之功起死回生
之效今人不識其症不知其治妄以王道自居反
加訾毀嗟嗟悞人性命可勝計哉余痛惜此特刻而明之

疔瘡主治方

蟾酥丸

治疔瘡發背腦疽乳癰附骨臀腿等疽一切惡
症反瘡不痛或麻木或嘔吐甚則昏憤此藥服

之不起發者卽起發不痛者卽痛痛甚者卽止
昏憤者卽甦嘔吐者卽解未成者卽消已成者
卽潰真有回生之功乃惡症中至寶丹也

蟬酥

二錢
酒化

輕粉

五分

枯白礬

寒水石

煨

銅綠

膽礬

乳香

沒藥

射香

各一錢

雄黃

二錢

硃砂

三錢

蝸牛

二十箇

右爲末秤準於端午日午時在爭室中先將蝸
牛研爛再同蟬酥和研稠粘方入各藥共搗極
勻丸如菉豆大每服三丸用葱白五寸患者自
嚼爛吐於男左女右手心包藥在內用無灰熱